

The Electronic Manipulus florum
www.manipulusflorum.com

Religio c

cum fonte primo et editionibus 1483/5 & 1550

Et rursus illi qui aliquid uidebantur in saeculo esse non habeant fastidio fratres suos qui ad illam sanctam societatem ex paupertate uenerunt magis autem studeant non de parentum dignitate sed de pauperum fratrum societate gloriari. nec extollantur si communi uitae de suis facultatibus contulerint aliquid. nec de suis diuitiis magis superbiant: quia eas monasterio partiuntur: quam si eis in saeculo fruerentur. alia quippe quaecumque integritas in malis operibus exercetur ut fiant. superbia uero in bonis operibus insidiatur ut pereant. et quid prodest dispergendo dare pauperibus et pauperem fieri quum anima misera superbior efficitur diuicias contemnendo quam fuerat possidendo.

Augustinus ibidem (de communi uita et regula clericorum).

Manipulus florum (Venetiis, 1493/5), sig.E4r.

Sed rursus etiam illi qui aliquid esse uidebantur in saeculo non habeant fastidio fratres suos qui ad illam sanctam societatem ex paupertate uenerunt. Magis autem studeant, non de parentum diuitum dignitate, sed de pauperum fratrum societate, gloriari. Nec extollantur, si communi uitae de suis facultatibus aliquid contulerunt, nec de suis diuitiis magis superbiant, quia eas monasterio partiuntur, quam si eis in saeculo fruerentur. Alia quippe quaecumque iniquitas in malis operibus exercetur ut fiant, superbia uero etiam bonis operibus insidiatur ut pereant: et quid prodest dispergere dando pauperibus et pauperem fieri, cum anima misera superbior efficitur diuitias contemnendo, quam fuerat possidendo?

Augustinus Hipponensis, *Regula tertia uel praeceptum*, 1, 7 (L. Verheijen ed., pp.419-20, ll.23-33).

Manipulus florum (Venetiis, 1493/5), sig.F1v.

Sed rursus etiam illi qui aliquid uidebantur in seculo esse, non habeant fastidio fratres suos qui ad illam sanctam societatem ex paupertate uenerunt: magis autem studeant non de parentum dignitate, sed de pauperum fratrum societate gloriari. nec extollantur, si communi uitae de suis facultatibus contulerint aliquid. nec de suis diuitiis magis superbiant: quia eas monasterio partiuntur: quam si eis in seculo fruerentur. Alia quippe quaecumque iniquitas in malis operibus exercetur ut fiant. superbia uero in bonis operibus insidiatur ut pereant. Et prodest dispergendo dare pauperibus, et pauperem fieri, si anima misera superbior efficitur diuitias contemnendo quam fuerat possidendo?

Augustinus ibidem (in regula tertia).

Flores omnium fere doctorum (Venetiis, 1550), fol.435v-436r.